









絕卷先生文集卷之六

翰林院庶吉士



正月九日是大司馬馬履坡

正字在集或何



鈍菴先生文集卷之六

前翰林院庶吉士雞丘鈍菴劉錫著

男

孟池

編

壻康應乾校

序

壽大司馬楊虞坡序

正月九日是大司馬虞坡楊翁縣弧辰廣平下
吏守崔某貳何其屬在鄉邦某昔重以饒陽奔

走受翁知乃謀所以壽翁者何子曰翁之壽蕃
錫內庭文言館閣華哉備矣予與子也奚以爲
予曰頃者倭竊東南虜偷西北羽書絡繹征調
頻仍外內臣工兢兢罔夙夜解守土吏倍勤勞
翁抗靜共之節運撓霍之才仰協 聖笑煦嫗
將士明飭刑賞一切籌畫動中機宜塞烽弭紅
海波靜綠肆予與子優游祿秩一意撫字時聽
鳴鶴日仰恒山即外內臣工實應逸樂壽百官
則壽以禱翁長年可乎何子曰猷猷之潤難與

語江漢方尺之蔭難與言鄧林是奚足哉予曰
自項兵興壽域生人浙失常業吳越燕晉閭閻
憊極賴翁雅績畝夏蒸民復耕作嬉嬉出入作
息俯仰事育載安飽煖敬循五教都登春臺永
其天年卽今廣平麥風送涼謳聲四起矣壽兆
民則壽以禱翁長年可乎何子曰仁賢之勲別
小大綜核之義重本末是奚足哉予曰自項兵
興 聖天子念塵宵旰顧在庭諸臣鮮足副心
膺賴翁雅績偃戈聲教 聖衷寬然垂衣穆穆

萬壽無疆譬如雷雨然諸祲頓息三農滿望天
用澄霽壽 一人則壽以禱翁長年可乎何子

曰可哉雖然誰足擬翁者予曰昔者周室方隆

畢公上壽宣王中興方叔元老汾陽郭令公再

造唐業權兼將相乃廿四考中書天壽人國則

必壽其翊運名賢理也 聖天子方以威嚴永

順治壽真宣王隆長周室即唐宗不足比數翁

壯猷本兵贊襄密勿實方叔令公天壽 朝家

無已翁當以元老令公考謂公今之畢公也非

耶何子忻然說躍然作曰敬從子後乃登言簡

耶何子忻然說躍然作曰敬從子後乃登言簡
役歌南山之初章拜送諸庭

送宋陽山兵憲調官福建序

陽山公憲兵天雄甫數月閩中多師旅事 聖

天子若曰天曹慎選其人以任乃大冢宰虞坡

楊公擇公疏 請 制曰可君子曰善任人公

以丁未進士試守吳縣賢聲高四郡遂拜御史

方公為御史時大武臣憑藉 寵靈播弄威柄

朝士憂且畏公疏劾武臣臯武臣怒門謝公曰

先生好文章公毅然應曰侯以世勛司股肱職
以言責司耳目要在既心君父耳它何言武臣
默而退縉紳大夫士多公之高咸自謂不及云
居無既何 聖天子寘武臣法豈公疏固有槩
于 聖心乎宜以楊公言重公任也公憲天雄
起自久滯屬下文武吏望風肅肅益力慎勤四
民安業罔盜警言方倚公爲茲屏翰顧倏用師旅
行耶在昔周宣王中興以威嚴協順治海隅多
事寓縣攸虞 聖心惻焉藉公經畫旋當底定

以益贊順治卽三輔默受福 聖天子任人盛

心端此乎在尚懋功哉唐狄仁傑薦宋璟堪宰

相璟迄以相業顯媿美張九齡卽姚元崇或少

讓我 明山陰陽明王公守仁著勛式遏榮伯

新建議而誠任之者晉溪王公瓊也虞坡公行

相矣今茲輔 聖天子任公是仁傑知璟晉溪

知陽明也東南勛名簡在第一洵登冢宰顯業

上相公蓋今之陽明而古之宋璟也 聖天子

善任人哉廣平守吏某等憲公文武重難公別

則屬予言登贈予公同年友又受公深知故不以不文辭

贈胡劍西年丈量移南太僕序

內翰洪州劍西胡公左遷我廣平蓋一年往也乃今奉 明天子命丞南京太僕寺所屬九邑諸令尹過余謀贈之言予公同年也安敢辭按公初謫實以註誤故朝著諸薦紳嘖嘖惜之今年春予謁公謫署公把臂話舊飲笑甚諧無幾微見顏面予爽然自失嘆公所存悠哉遠也督

學受堂楊公檄公教諸名士于漳川書院公講
解義理課考文字若不及然肆諸名士于蒸蒸
日盆進而公所職馬政也則又修舉予嘗說人處
詘下者怨天尤人不已即高明則意氣甚生平
視職務若將挽已又非中道也公真賢乎哉南
太僕寺設在滁滁稱多人士計公它日波及滁
士者端豈異我漳川哉公官雖稍遷職司仍馬
也豈文武全才天將究公所蘊故茲再小試之
耶宋廬陵歐陽文忠公經謫滁後入叅大政茂

樹勛業公向來履歷與文忠公畧同而洪州近
廬陵若此其甚也鄉邦豪賢山川勝蹟數百年
如相待者則亦豈偶然哉予十年前曾抵滁所
謂醉翁亭者獲一寓目焉神爽飛越想見文忠
公氣象公明之文忠公也醉翁亭勝游古今一
致入相勛名實滁焉兆之顧予窮且罪無緣奉
公滁游而南畝身事望晴巽雨仰藉賢宰相者
不淺淺也公其許予此乎公行矣予敢爲九邑
諸君子歌曰素心塞淵駉牝三千爲諸名士子

歌曰其馬驕驕其音昭昭載色載笑匪怒伊教
予亦附之歌曰樂只君子邦家之基萬壽無期
送崔臨溪太府調官北上序

德州衛武官傅鳳盜秋青草直二百金發經廣
平監追一紀往貧莫給朝哺人用憐之今年夏
代巡御史黃公按廣平錄准遣如例我郡長臨
溪君侯慨然曰此固應遣不卽且庾死傷 聖
天子崇勛好生心按屯御史王君以漏通請故
疏劾君侯罷或降 聖天子若曰天曹議邸報

至君侯夷然曰予有臯予有罪天曹旋擬君侯
調官示罰 制曰可按故事代巡御史地方事
無所不統秋青草取諸屯田則按屯御史所專
理卽據移書先後作行止宜通請請漏也按屯
君宜言我聞之曰君子守官公罪不可無豈其
事或乖互理宜變通者乎今茲公罪也在君侯
何損君侯守廣平餘二年體國勤民實古循良
吏固執法嚴不撓請托或媒怨細人豈孔子所
謂不善者惡之乎怨則謗謗與公罪會則疑重

言益力乃廟堂公道盛人士公論盛是故君侯
公罪不可辭而循良最績不能揜御史朝廷耳
目良二千石共 聖天子活民實維元氣君侯
罰重卽元氣損按屯君言不行卽耳目之司弱
天曹調官擬是合耳目元氣養也按屯君何嫌
哉君侯戒行有日僚友諸君子重難君侯別徵
予言展贈予雅知君侯既爲諸君子代言且惜
郡人士遽奪賢大父母竊感愴脉脉矣始聞細
人甚君侯老且病夫君侯壯耳素魁岸英采溢

發酬對風生天曹長面君侯茲審細人種種安
也此行何可無君侯且守他郡即望實符廣平
游晉未艾由後觀之今按屯君且曰良哉崔侯
前天曹擬罰調官者是

送賀洪濱太府入覲序

我郡侯洪濱賀公制朝聖天子辛未元日
將行其屬諸庠博士羣進請予言以送予曰敢
問賢廣文所以送賀公者或曰儒官卑勢易藐
有司矧太守古諸侯在兩畿兼藩臬貴儒官何

敢望容接洪翁至禮視某輩如恐遺肆某輩獲
安居翁茲行便作數月別某輩將何爲情予曰
恩私恒感也請進或曰儒官教士子唯文某輩
于文多不閑卽廣平士聰穎至乃踵誤洪翁實
文章大方家某輩謁輒教曰士勘書貴明白書
章自有緊切喚應轉摺字要須識得章雖長要
可三二語括大意章雖短要可鋪叙數十百語
不困又曰士行文貴玲瓏簡雅一切腐泛澁雅
贅複病須藥得盡而試驗士子有如說書一章

僮僕婦女解頤而鴻儒歛衽作文一篇初學小
生肯首而大人擊節卽青錢選萬中矣某輩敬
聽而語士子士子頓欣欣解悟今年秋鄉薦士
廣平得十有二人文宗李翁且曰廣平士多遺
珠當如賀廣平何翁茲行士子都擬道送矧某
輩謬師士子予曰文章枝葉也請進或曰某無
知妄說近日親民長吏似急政刑緩風教風教
作先務其實洪翁心醉翁性廉明仁恕一切法
制主在急風教兩年來儒官先士子檢束士子

頗能氣節自喜學辨義利處邑尹人矜飭求肖

類能氣節自喜學辨義利處邑尹人矜飭求肖
翁畏吏安民心耻翁負閭閻習俗日新侈從儉
惰從勤淫祀從禮觀風者迭薦翁循良翁茲行
定最考部院受知 聖天子漢吏試三輔賢則
入相翁殆是其輩職先禮義敢不為一郡風教
送予爽然曰賢哉廣文此言殊起我我且欲從
賢廣文後送賀公諸博士退予遂綴其語似之

送洪濱賀公祖朝 天序

聖天子龍飛之五年實惟 朝會期海內方面

長吏例從所部大比士入我郡君侯洪濱賀公
諏日行雍雍其門下才士王芳等十二人謁予
告曰芳輩無似賴賀大人陶鑄粗知向方今年
秋幸附名鄉薦未茲賀大人先芳輩行敢蘄一
言代軒以送四牡予曰賀公最績卽更僕未易
數獨譽髦士已哉公性廉慎詳明循循不事表
暴下車無幾何值橫水九邑災且徧犖困嗷嗷
公撫摩不遺餘力人用安如堵水自郡西南勃
山澇紛注公相度地形酌九邑災重輕多寡夫

役咸成隄防作一勞未利計民或以不平訟公

山澗紛注公相度地形酌九邑災重輕多寡夫
役咸成隄防作一勞永利計民或以不平訟公
平之法且諭之情故兩造都無怨言邑令尹臧
否若履其庭日閱其行事大懲尤無良以警且
曰羊固不可狼牧其或隨若材質次徐教之厲
精自効水後報額稅輒輦感曰吾赤子奚以堪
一切政教古龔黃當讓媿獨譽髦士已哉竊伏
草莽聞 聖天子寤寐仁賢汲汲共圖治理長
吏得一俊實慰 九重德意矧鄉薦才士彬彬
盛譽髦嘉績便足最海內予亦何慚代諸子言

計天曹上吏名 丹陛下即 聖天子知公循

良矣有如舉 祖宗彰善故事燕循良吏禮部

海內太守釋公更誰先予因諭諸子曰吾公政

行諸君所諳入 朝榮遇諸君且目之公發軔

叢爾郡行登三事廣平率上政亦次第及諸君

諸君能無以居移渝今日相師意不諸子肅然

謝曰芳輩敢不如教佩服賀大人模范百年

贈劍山高明府洊膺禮獎序

予舊知曲周霍夢斗氏抵予其兄書曰維棟忝

貳館陶知館陶長劍山高公政績為詳公宅心

貳館陶知館陶長劍山高公政績為詳公宅心
平易操履嚴重行事練達頃館陶水儉公拯援
不遺心力一切禮費務從簡摶眎邑人式慮繇
役劑量九則如輕重在權衡民欣欣貼服無或
色怨漕糧報完如令人若不知者課額馬使壯
尾字增舊什五訟獄杳至棟心未有適公輒一
二語發領要訟者罔退言馭胥隸主在法垣曰
此輩民虎也稍縱之是與翼民且重傷如官常
何棟偕察佐奉公政教惟謹館陶人若士愛公

如父母畏公如神古有循良吏公殆是耶乃著
部院太僕諸當道槩公知迭禮獎如恐後棟也
說敢假維北第蘄言以賀鈍菴子曰賢哉高館
陶真循良吏館陶厚福德哉當道求賢故事初
官獎任久政成薦天曹次第取用臺諫階卿輔
自良邑令半質哉高館陶薦者行種種至矣宅
日游貴要慎無忘館陶哉即霍君需言雅益重
賀張柘村父母牧績序

古人對國富以馬夫富固不足以盡國而馬亦

何足以盡國之富也豈非以文事武備治理常

何足以盡國之富也豈非以文事武備治理常
經仁民愛物居上常業而牧事有成則驗其政
教俱舉耶 朝家馬政載在令甲詳甚內統之
太僕寺外分之行寺若苑郡邑董之貳邑減貳
則攝之正而稽察督理之侍御史篤而論之御
史嚴其法耳寺苑受其成耳郡邑之貳則又專
事事也惟減貳之邑而正攝之者修舉之難為
最何也其職務煩而馬政在所可緩也我邑侯
柘村張公擅英中州擬志古喆自領符以來留

意化源痼心民瘼凡長養仁賢蕃育生類者莫不本之塞淵之心而出之無疆之思是故學道之士彬彬之向方即今歲耗閭閻熙熙安如堵則文事仁民成效章章乃其所攝馬政兼底績視侍御史寺苑郡邑之貳之舉職獨異武備輔文事而仁民資愛物謂公政教俱舉非耶詩之風有曰匪直也人秉心塞淵駉牝三千言牧之成以心也其頌有曰思無疆思馬斯臧言牧之成以思也吾邑馬數 制限所謂三千者不可

取盈而今則駉牝思臧矣豈非塞淵之餘效而

取盈而今則駭牝思減矣豈非塞淵之餘效而
無疆之緒績耶矧今邊鄙多警大司馬羽檄徧
海內則翁之考牧正時務之急者識時務者在
俊傑公豈非循良之俊傑乎尹吉甫所以憲萬
邦為其兼文武耳謂公非今之吉甫也可乎孟
子曰親親而仁民仁民而愛物言推恩之有序
也故曰古之人所以大過人者無他善推其所
為而已公之愛物蓋善推所為者誰謂古今人
不相及哉公文事受知督學院仁民之實受知

撫按院郡侯往矣而馬政之成則又受知太僕也計督馬院之知公當不太僕異將來薦剡迭揚滋重聲價銓曹端侈公為全才第一人如例還朝大展所抱負淳久漓之俗肥已瘠之民出其緒餘戢干戈於邊鄙吾邑人士思公去後如周南召伯無疑也僕稔腆公知愛欣太僕知獎公無已遂忘謏陋撮鄙言綴客之後若公之詳則固僕所心悉而不能以言既者也

賀黃望山明府奕世褒封序

予讀黃屏山孝行傳慨焉想見其人欣靜菴公
誦于官而有子也今合望山君考績事以觀則
君子之道其感天人者多哉望山寔靜菴季子
官曲周經三載日考績稱最令甲得晉階文林
郎乃翁靜菴公故階通奉大夫乃嫡母趙安人
繼母孔安人得加贈乃生母董氏元配陳氏得
追贈乃繼配王氏得封銓曹以聞 旨俞焉人
賢君能官也抑知君之能家乎靜菴公舍褐尹
新鄭敷歷中外僅于二紀謝湖廣副使事走林

下終老長才重望未究厥施人咸惜之公仲子
屏山君率諸弟就養葬祭勤哀殆踰禮越人人
曰黃孝子黃孝子云望山居蹟父兄家政振孝
友餘烈其尹曲周如靜菴于官屏山于家善政
種種予蓋一為記茲奏績銓曹上厥考 明天

子嘉說厥良則靜菴之遺感人不淺靜菴雖菀
抱未究乃身教所植望山為忠之良于屏山孝
行益光世澤所流前階淵淵未艾天道之微不
可窺測哉周太王太伯王季人所稱父子兄弟

莫或尚之彼其聖善相後先誠非吾人可輕擬

可窺測哉周太王太伯王季人所稱父子兄弟
莫或尚之彼其聖善相後先誠非吾人可輕擬
然人倫盛美古今上下其致一也靜菴家烈眡
太王為似而儒業所傳于諸子無予奪嫌今即
謂屏山至德望山因心則友可也不識諸廣文
君以為何如

賀許習湖父母考牧序

頃年北虜頻犯邊地用厯聖天子憂一切安
攘長策飭羣工舉行惟謹乃馬政尤所急太僕
諸臣仰體德意一再歲稽有司勤惰行勸戒吾

邑習湖許公以去年夏來視事善政難更僕數
茲蒙獎太僕蓋賢遇云謹按 朝家養馬條件

令甲詳甚顧積蠹相沿未易頓革馬政日就頽
凡馬牡一領牝四為羣徃或群人不相識尾字

茂如安望孕育凡馬應給富人領養徃或富人

巧通吏胥解貧人無藉業而領養利歲入草料

直安致肥腴凡養駝馬四歲起俵備用馬一馬

直無常費馬人有定籍徃或以直省求先籍以

直費求後籍又吏人利其然陰為先後之即馬

不如式或聽富人轉之馬販取足畢事人安以

不如式或聽富人轉之馬販取足畢事人安以
利衝突點視歲太數脫點視若捐瘠不戡則又
畧不臯盖曰吾乃點視之云爾人安知敬慎乃
事所謂馬醫即難得精馬經人亦須少知字義
淺曉脉絡粗諳藥品徃或無良二三輩據為衣
食資丐取醫人諸敗藥凡馬病槩藥之至量驗
起俵估視槩殃諸馬人如故事則將安用彼醫
為我習湖公下車來凡可惠民報 國靡不單
厥心馬政積蠹漸刷洗就緒則宜乎太僕之知

獎也况吾邑屬裁減馬政乃公所攝理者固不
益難得哉賢聲所達諸當道行種種獎薦公矣
容為諸士子次第頌之



鈍菴先生文集卷之六

鈍菴先生文集卷之七

前翰林院庶吉士雞丘鈍菴劉錫著

男 孟源 編

孟池

壻康應乾校

序二

送許習湖大尹調官序

予于習湖許公調官之行益知久任之法之决
不可以已也予邑在內畿更稱易治予游鄉校

時見前諸令尹每多暇日或外庭寂然則取鄉
校弟子員課舉子業吾初第時常向諸同榜人
說此肆今大宗伯石麓李公稔聞焉習湖于李
公同梓里往歲習湖就選天部李公正貳天部
事雅重習湖慈祥廉靜志在蹟古循良與吾邑
相宜遂以來尹我習湖下車後一切撫摩教養
罔不既厥心乃日見民風漸次澆薄異吾往所
以告李公者則大錯愕動歸志予時時止公勿
耳公亦自謂道久化成終可底績益淬厲厥心

當路諸大君子以邑敝歲歉非所以辱公理者

當路諸大君子以邑敝歲歉非所以辱公理者
便有調官請而公今行矣嗟哉嗟哉此不為吾
邑重惜哉吾地風壞亦不久頃緣一二舊令尹
視吏胥與隸若家人視齊民若路人視大夫士
若敵人是故吏胥輩日益逞齊民視令尹如神
畏而遠之所疾不以愬令尹所告齊民不以信
大夫士即欲言所宜言顧忘却走罷又藏鏹編
氓盡地獵名威行鄉黨愚民効尤唯利是競匍
匐刀錐末罔知厭諱習湖所為變此薄風者且

漸就緒矣乃胡有此調官之行耶春秋民風視
長吏移易予地今日何似賢如子產非孔子所
謂君子者乎其聽鄭國政且不免謗而後頌習
湖蓋將以循良學子產者而獨不得久政如子
產顧不重可惜耶或曰吾令之難獨難民風哉
彈丸瘠鹵地幸不早蝗霖滂僅足充國課贍民
食計里才十一額役凡幾額養應役馬騾凡幾
南北諸宦人由徑往來如織當道諸走不與也
百尚華整如孔道驛遞此令尹苦心而多謗也

獨難民風哉今秋大水禾稼雲沉室廬波蕩遺
民忍死待哺嗷嗷乃上下不相信即太守且以
報灾疑今則催科如徃歲矣獨難民風哉予曰
是鄙所嘗究心者又何言又何言鄉校諸弟子
員感公督教同惜公去則請予贈言予輒肆言
以應不識公謂予言何如公他日晤李公京師
為我告曰大宗伯行入相矣幸輔 聖天子復
久任法

贈王道宗別駕太原序

王君道宗在吾邑稱才士云乃累試有司不第
卒業太學人咸誦之比大家宰尋嘉靖初年故
事並進三塗鼓舞賢豪王君明適可奉檄貳大
原府事近年官人苦限資格卽歲貢士抱竒種
種三五轉至府佐人蓋稱榮遇矣用是賢豪鬱
不得信志王君起家禮學弱冠充庠弟子員文
價高一邑迄訕科目遊太學回逸志泉石無幾
微見顏面暇則視諸律令抵掌談吏事風生穎
脫人謂如此才且將限資格罔所大試重誦乃

今適以再新例貳大郡才固不虛生哉君職雖

今適以再新例貳大郡才固不虛生哉君職雖
別駕實開府代州協地曹頓軍儲理院司諸道
刑名事軍民兼所統攝蓋儼然太守于君故稱
代為三晉望郡風氣古朴文物彬彬宦遊人雅
所樂就謂可直行其志不撓是非在循良聲實
也君才質既可大有區布心地更坦夷不回護
隱伏即初任人士咸安冢宰真知人矣在昔曹
月川教士晉南不啻胡蘇湖後賢推重甲諸理
學名臣楊文貞士竒相才高一代此兩公者發

迹都不由科第乃其所竟與科第諸名賢埒何
也才高而志確也長途萬里發軔在代惟君範
馳驅無令曹楊擅美君素性恬澹家食時視一
切紛華榮利泊如今茲仕也將無林野思乎丈
夫處世惟時與偕既患貪榮亦羞眇績江湖廊
廟古人何非憂乎即曰仕路崎嶇多難着足君
謂鄉居便得鑿坏絕世了無闕接耶黃河所流
非不泐泐下必九折乃滙海水清無大魚蓋自
古記之矣苟潔吾身則世路者澤平於險行我

所安可也豈必林野賢于臺省哉予與君同里
開德州楊海洲公者鄉先達也屬有緒言同以
贈君義不可辭委於是乎為之贅

送常地山父母應朝序

地山常公將有朝 天之行其門下儒學弟子
員謁鄙謀贈言制三年一朝展忠蓋課殿最稟
政令一風俗也常公起家科第抱立顏之猷抗
廉頑之節暫假治邑小試牛刀才數月耳一切
民瘼吏蠹剔洗殆盡在官常六事稱最今茲行

也濟濟跄跄儼然冠裳應古子男集鳳池綴鶴
行咫尺 天顏虎拜明光厥惟勞哉天曹長上
最吏名 丹陛下即 聖天子知公循良矣有
如 聖天子遣中使問公何以治雞澤公作何
對辭能却名自擬長者此小忠曲謹非所以望
公也雞澤土瘠民貧俗號易治十年來以刁惡
聞弊種種然多舞文吏陰敗之也吏豈無良或
幹局出衆則貨視民壟斷視文案令尹初視事
詐作愚謹詐談公道揣令尹意向從而低昂漸

得懽心群行毀譽巧示獲上潛內賄詒或踪蹟
呈露哀乞寬假轉無忌憚民多直愚見吏作事
諸如所舍詡便謂權真在吏賄當必行或重屈
莫信控之當道吏以律譴民以刃惡聞而風俗
敗矣公創賦吏等頑民雞澤風俗駸駸變幾如
舊計公對中使必曰臣待罪雞澤假藉威靈治
民主寬良則禮抗法者嚴如吏治吏主嚴賦則
黜守法者寬如民區區忠盡匪是莫輸中使持
以復 聖天子必多公善用政令一風俗有如

舉先朝勸百官故事燕循良吏禮部畿南令
尹釋公其誰公善政教未易縷舉養育人
才振作風節更所注意顧政以一俗最績
之大法以馭吏時務之急鄙當與諸士子
候公歸自京師侈觀考績入柄憲臺未思
去後耳其阻瞻晤歷寒暄淺之乎咕囁情
非所以待門下英才忠告也

贈常地山邑侯憲臺薦禮序

孔子曰居下位而獲上也
在信朋友予乃今於

孔子曰居下位而獲上也。在信朋友予乃今於

地山公益驗云公以甲子歲夏來守我雞澤澡
身勤志植弱耘強唯敏四民趨教俛若不及今
年秋九月督學侍御徐公首圻尹薦剡代巡侍
御董公督鹽侍御 公各特檄獎初兩公獎也
學廣文諸君悵不懌旋徐公薦乃欣欣喜謀偕
諸士子觴賀公固辭焉按當道賢賢例任淺獎
匝歲則薦公善政積歲餘兩公獎公不無須後
意據故事如徐公薦是顧公歆然若不敢當壯
弛茲之告趙簡子曰國家將興君子自以爲不

足公真君子哉我雞澤興未艾也諸廣文泉諸
士子猶迫予言以贈信公非深何以乃爾則宜
民之從教輕也三侍御公都名知公者乃所督
人人異我雞澤地半瘠鹵人仰土鹽充課調給
朝晡絕則歲踣縱則鹽法半撓撓鹽法非督鹽
令踣民非代巡令是故得兩公難令尹日仍簿
書才幹少歉卽擾擾民事無間視學校頽圯士
子提撕若忘是故得督學公又難三公薦禮併
一時不可徵公通才大器耶廣平在畿輔稱多

科目我庠士子雅不後人獸爾寂寂可念豈文

一時不可徵公通才大器耶廣平在畿輔稱多

科目我庠士子雅不後人歎爾寂寂可念豈文
運偶弱抑養正之由也公乃心督育諸士子志
丕變廣文君益勵課講脫頗習諸士子行多科
目埒廣平何幸哉予嘗向公說公守雞澤在職
官為仰成在政教為創始公亟是予言乃庠師
士子信公歎深實又多獲上也有人曰公非明
善以誠身者可乎哉可乎哉勛德名世趙簡子
何人敢用擬公予也鄙竊附壯弛茲為諸君言
送常地山邑侯調守定襄序

關中地山常公守雞澤二年往乃今以戡煩故
奉檄調知定襄縣事雞澤人士悵然惜失之且
頌天曹明為邊縣善擇人也公佳績徹諸當道
人方擬公晉臺諫洊台司為天下蒼生慶一旦
移定襄計當期年勞邊務非所以辱公且令雞
澤遽奪慈母云君子曰移定襄是定襄切隣雁
門虜防孔棘其民唐虞之遺敵樸儉嗇鼓之農
事勤力不倦可使足食誨之忠若義即制撻是
撻虜官非其人疆毅之氣或轉為捍抗至乃國

課且後時故守是土非賢西北人不可謂其諳
習俗能寒苦持久也關中視三晉風氣最宜假
公雞澤望實教民卽戎又最宜彼慮期年辱公
非深知公也君子抱有猷為孰不願盡展試乃
或地不敷才志士病焉公守雞澤聲籍甚願公
優游甚此非才不盡用爾耶如公者宜移之最
繁劇上官紛沓文移填委訢訟叢疊兵食倥傯
乃足用所長以見其志定襄雖難自雞澤較耳
在公應仍多暇况無此一轉耶自今游冀北訊

其民賢有司必常定襄也公既以賢調定襄之
績視雞澤益顯上之人以定襄故知公益易且
衆入司風紀出領藩服股肱 聖天子稱名大
臣公更誰讓耶虞詡受弭盜任其言曰不遇盤
錯馬別利器迄能增龜樹勛名重漢室藐茲定
襄借公脫穎即盤錯竹破矣或謂今世課吏兼
以資格低昂公遺珠甲科如官人者何嗟乎哉
此大不然郤君相稱清慎以方伯致仕歸識者
猶有不盡才之歎三山溫君景葵稱揮霍由御

史歷中丞保釐一面未艾此盡甲科人耶公清
慎揮霍兼美兩君發軔雞澤長驅定襄遠到不
可量賢公者宜曰今之郃温而古虞詡

送常地山邑侯轉尹定襄序

野史氏曰予蓋稔忻代行云知定襄事定襄在
萬山翠嶽中臨潞沱水其民簡直勤嗇易率以
義虜或媮忻代南即定襄屬盜衝是故守土者
重武備天曹之轉我地山公也宜哉公尹我餘
二載克脩六事首圻南諸尹乃其孰化育才績

更章章異也庠諸士子濡公教礪行練文日進
聞公轉定襄呀然錯愕惜失賢父母請諸廣文
過予謀言贈予曰諸君子無惜地山別且不見
大舟乎列櫓雙桅望若樓臺紆徐漳滏人稱勝
重載以汎洞庭航滄海百里一瞬千里一刻載
不加輕行倍萬利水使然也煩劇者仁賢之巨
流天曹之轉公也宜哉公治我雞澤政教種種
舉矣居多暇日公宇閒然可羅雀枳棘鸞鳳識
者惜牛刀顧惜公定襄行哉頃歲虜入晉地忻

者性借牛刀顧惜公定襄行哉頃歲虜入晉地忻

代諸村落極目蕭疎鞠為遺燹此非弛備故耶
在昔春秋三晉兵雄諸國豈今太平久獨不可
用武倡耶官或匪人志茂奉公苟且之政多耳
推公所以治雞澤何憂乎北虜自公嚴保甲我
雞澤略無潢池警實古龔黃假令李牧守雞澤
今日將何以尚公出公息盜條定襄健夫舞車
超距矣本之守保行之追逐李牧不得專媿擇
官者意固在茲乎意固在茲乎定襄山水巨舟
之試而鸞鳳之高岡也利涉大川羽儀天朝

將天下藉公福詩云文武吉甫萬邦惟憲公寔以之諸君子何惜此別或謂定襄人好訟又稽額稅不輸夫畏志則無訟好禮則易使一循吏能辦之非所以重需文武大君子也於是諸君子舍然喜曰有是哉請以贈

賀何碧泉廣文陸任淮海序

我邑庠何廣文碧泉先生奉檄選曹轉董淮安府儒學事我群弟子顓毅齋常君清泉常君西川賈君過余謀贈之言予曰敢問其所以贈乃

西川君作而曰人榮于遇宦難于成我碧泉之
來教也實自新城而遷焉是則難遷教我而又
遷焉是則難中之難是故甚之榮焉願以此贈
予曰升沉常事也君子末之請益乃清泉君作
而曰我碧泉之來實且數載其我愛也油油然
不長少異今茲之榮所同樂之今茲之別所同
難之徹方丈而抗旌罷春風而言邁我心實戚
戚焉不忍願以此贈予曰離別常事也丈夫輕
之乃毅齋君作而曰習觀今之名公鉅卿大都

出自科第苟其科第也即筮仕便揚揚何也其所自視者有所挾而馮焉故也次之雖素負剛直且追然自下甘後人或自處不人劣乃其功蹟多左即仕業筮所志其債終自棄者徃徃也此其善之志已不可多得而况善之功乎而况善之終乎我碧泉繼徽徽家學擅菽詞林弱冠戰場屋累以數北而其學植日茂焉以長持此待其後所得蓋不可限量乃癸卯歲遽用歲薦入選曹領貳新城教此豈漫焉嘗試之耶抑為

貧而祿故辭尊而居卑者耶其所自視者重也
苟可以行吾志吾則安之其在卑猶其在尊也
碧泉之志亦若此而已矣新城之教吾不得而
見已庚戌歲來教我慎模範嚴科條日暮溫繹
孜孜為士子先蓋閱六載如一日即昨遷官之
報已聞尚督事如故士貧不能立者槩之恩焉
煦如也肆群弟子忻忻然知向方彬彬然興于
文學者碧泉之功居多新城視我其時為先計
其教當不我異秉所以教新城者行之我後先

餘十載不變以自詭則所謂無倦者非耶推此
志也雖與古之稱媿蘇湖者埒焉可也他日波
及淮海者端豈異我雞澤哉是故擇賢焉而理
不以卑限茲當道之明也抑實碧泉之能也擇
賢焉而選不以卑限茲選曹之公也抑實碧泉
之聲也以立志則卓矣可語知也以樹功則懋
矣可語仁也以慎終則如始矣勇之選也萃此
三善焉遺我以去是故仰而不敢背也思而不
忍忘也睠之別焉而不能已也願以此贈予作

而歎曰有味哉其言也可以贈矣三君者歸予
遂紀而與之

送郭沛涯京簿之任恩縣序

予同鄉郭沛涯子判京大興簿蓋五年往矣銓

曹嘉厥績疏尹山東恩縣 旨俞馬行之日予

餞之潞之許時沛涯同寅某君在乃某君曰郭


君其知令之難乎一縣之責責之身其事繁其

民夥其上官之臨也衆故理其繁非明斷罔濟

使冀民非威惠罔濟得乎上之人非克慎克勤

罔濟此其難何如也郭君勉乎哉乃某君曰吾
逆知郭君之能令也夫事莫難于縣也顧附郭
甚縣之事莫附郭之難也顧京縣甚何者其事
益繁其民益夥而臨之者益衆以數也郭君之
去大興也上之人惜之曰是能官也無費事矣
其民惜之曰是賢父母也素吾害者莫之逞矣
此非兼明斷威惠而克慎克勤者耶即人所尤
難者易易矣而何恩之難耶郭君行矣其毋謂
令之難而變于昔也乃涕漉子作而曰余何能

余何能抑余何敢不勉用對 聖天子任使用
荅銓曹知亦越我同鄉我同寅無遺乏玷焉某
君榮涕涯之令難其別而嘉其能受盡言也乃
觴以歌曰潞水兮蘭舟載清酒兮陳素羞送君
兮遠行邁望君兮心夷猶再觴以歌曰有俸兮
民膏有祿兮民脂嗟嗟君子慎乃攸司再觴以
歌曰種花兮河陽鳴琴兮不下堂熙此民兮晉
太康秩之晉兮名丕揚樂只君子邦家之光乃
同余再拜涕涯亦再拜乃別



鈍菴先生文集卷之七





浙江大學圖書館藏







浙江圖書館善本



甲 登記號：021670

一九 年 月 日



Blue Cyan Green Yellow Red Magenta White 3/Color Black
© The Tiffen Company, 2007
Tiffen Color Control Patches
Centimetres
Inches

1 2 3 4 5 6 7 8 9 10 11 12 13 14 15 16 17 18 19
1 2 3 4 5 6 7 8





Inches 1 2 3 4 5 6 7 8
Centimetres 1 2 3 4 5 6 7 8 9 10 11 12 13 14 15 16 17 18 19

TIFFEN Color Control Patches © The Tiffen Company, 2007

Blue Cyan Green Yellow Red Magenta White 3/Color Black